

«Коми му» газет редакцияö шыödчис Сыктывкарысь Александр Михайлов да висьталіс, мый зільö ас вылас уджалысьлөн предприятииын, лöсьöдчö петавны отпускö да ветлыны шойччыны саридз дорö.

Александр юасьö, удж вывсяньыс вештасны оз сылы □ □ туйсьыс рöскодсö?

Вочакывсö сетігөн медвойдör пасъям, мый тавося кос му (апрель) тöлысьын пыртöма веж-сьöмъяс «О государственных гарантиях и компенсациях для лиц, работающих и проживающих в районах Крайнего Севера и приравненных к ним местностях» федеральной оланпасö да РФ-са Удж кодексö.

На серти, 2014 вося кос му (апрель) 13 лунсянь йöзöс уджөн могмöдысьяслы быть колö мынтыны аслас уджалысьяслы отпуск дырйиыс шойччыны ветлан туйысь рöскодсö.

Республикаса предприятиеын зільысьяс вермасны кык онас öтчyd налы удж сетысь весьтö ветлыны шойччыны, но та дырйи налы вештасны туйсö сöмын миян страналөн границаясöдз да бөр.

Тайö правоыс сетсьö мортыслы отпускö петігас медводдза воас нин. Сідзжö туйысь рöскодыс мынтысьсö сылөн гöтырыслы, оз кö уджав, да челядьыслы, налы кö абу на 18 арöсыс. Уджөн могмöдысь сідзжö мынтысяс багаж нуöm-вайöмысь.

Мынтысьсö туйыс и сэк, кор уджалысь ветлö шойччыны аслас машинаөн. Та дырйи рöскодыс артавсьö медся дженьыд туйсö тöд вылö босьтöмөн. И сьöмсö сылы позьö корны ылöсалöмөн туйö петтöдзыс на. Стöчасö вештысясны воöm бöрас нин билетъяс да мукöд колана кабала сертиыс.

Нöшта öтчyd тöдчöдам: оланпасын урчитöма, мый ставөн, кодъяс уджалöны войвылын, кык онас öтчyd вермасны босьтны миян странаса мукöд областьт-республикаö шойччыны ветлан туйысь сьöm. Водзті татшöм правосö вöлі сетöма сöмын налы, кодъяс

уджалісны бюджет организациясы, шуам, школа-садйын, культура керкаын. Мукöдлаын зільысьяслы сьöмсö мынтылісны сöмын сэк, кор тайöс вöлі урчитöма сідз шусяна коллективнöй договорын.

Öні жö йöзöс уджөн могмöдысьлы быть колö кырымавны такöд йитöдын колана кабаласö.

Сідзкө, Александрлы колö шыödчыны удж сетысь дорас, и, сійö кө оз көсйысь мынтысьны туйсьыс, – прокуратураö либö судö, көні сылы отсаласны оланпас вылö подуласьöмөн нин.